

11 JAN 2000

MAHATHIR ADAKAN PERJUMPAAN DENGAN PEMIMPIN UMNO

PUTRAJAYA, 11 Jan (Bernama) -- Presiden Umno Datuk Seri Dr Mahathir Mohamad hari ini mengadakan perjumpaan dengan anggota-anggota Majlis Tertinggi (MT) dan lima pemimpin Umno daripada setiap negeri di Jabatan Perdana Menteri, di sini.

Perjumpaan sehari itu merupakan sesi penerangan bertujuan menyedarkan anggota-anggota mengenai perjuangan, asal usul dan kesetiaan kepada parti, menurut anggota MT Datuk Abdul Kadir Sheikh Fadzir yang dipetik berkata demikian semalam.

Selain Perdana Menteri, yang turut hadir ialah Timbalan Perdana Menteri yang juga Naib Presiden Umno Datuk Seri Abdullah Ahmad Badawi.

Abdul Kadir berkata, sesi itu akan membolehkan pemimpin-pemimpin Umno menyuntik kembali semangat perjuangan di kalangan anggota Umno.

-- BERNAMA

HS PR